

JAVNO PREDUZEĆE „KOMUNALNO“ D.O.O. BREZA

ZAVNOBIH-A BR.6 71370 BREZA

Broj: 05-1503-7/25

Breza, 02.07.2025. godine.

Na osnovu člana 64. stav (1) tačka (b), člana 70. st. (1), (3) i (6) i člana 69. stav (1) tačka (a) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 46. stav (1) tačka (k) Statuta JP „Komunalno“ d.o.o. Breza, broj: 1157-07-05-33-2./18 od 07.05.2018. godine, na Preporuku Komisije za javnu nabavku usluge: „Usluga zbrinjavanja kućnog otpada“ (broj: 05-1503-6/25 od 30.06.2025. godine) direktor preduzeća d o n o s i:

O D L U K U

o izboru najpovoljnijeg ponuđača za javnu nabavku usluge: „Usluga zbrinjavanja kućnog otpada“

Član 1.

Prihvata se Preporuka Komisije za javnu nabavku (broj: 05-1503-6/25 od 30.06.2025. godine) i Okvirni sporazum za javnu nabavku usluge: „Usluga zbrinjavanja kućnog otpada“ dodjeljuje se izabranom ponuđaču **Javnom komunalnom preduzeću „Trnovo“ d.o.o. Trnovo**, ID 4404226920003, sa sjedištem u Trnovu, Petra Petrovića Njegoša 3, za ponuđenu cijenu u iznosu od 99.893,75 KM bez PDV-a, odnosno 116.875,69 KM sa PDV-om, a u skladu s ponudom ponuđača broj: 171/25 od 24.06.2025. godine.

Član 2.

- (1) Prijedlog Okvirnog sporazuma dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u skladu sa članom 45. stav (1) tačka od a) do d) Zakona o javnim nabavkama („Službeni glasnik BiH“, broj: 39/14, 59/22 i 50/24), u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, a prema tački 3.1. tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje PJ „Održavanje i nabavka“ i PJ „Čistoća“ i PJ „Direkcija“ svako u okviru svoje nadležnosti.

Član 4.

Ova odluka objavit će se na web-stranici: <http://jpkbreza.com/> istovremeno s upućivanjem ponuđačima koji su učestvovali u postupku javne nabavke, u skladu s članom 70. Stav 6. Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje:

Postupak javne nabavke pokrenut je Odlukom o pokretanju postupka javne nabavke broj: 05-1503/25 od 03.06.2025. godine.

Javna nabavka je provedena putem otvorenog postupka javne nabavke.

Procijenjena vrijednost javne nabavke: "Usluga zbrinjavanja kućnog otpada" iznosila je 100.000,00 KM bez PDV-a.

Obavještenje o nabavci broj: 2818-1-2-63-3-9/25 objavljeno je na Portalu javnih nabavki dana 04.06.2025. godine i u „Službenom glasniku BiH“ broj: 34/25 od 09.06.2025. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 5 (pet) ponuđača.

Izvještaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem direktora broj: 05-1503-2/25 od 20.06.2025. godine.

Komisija za javnu nabavku dostavila je dana 01.07.2025. godine, Zapisnik o pregledu i ocjeni ponuda, broj: 05-1503-5/25 od 26.06.2025. godine i Preporuku o izboru najpovoljnijeg ponuđača za javnu nabavku usluge: "Usluga zbrinjavanja kućnog otpada" broj: 05-1503-6/25 od 30.06.2025. godine.

Na javnom otvaranju ponuda nije bilo prisutnih predstavnika ispred ponuđača.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan)
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda,
- da je ponuda ponuđača **Javno komunalno preduzeće "Trnovo" d.o.o. Trnovo** prihvatljiva ponuda.

Ponuđač je dostavio sljedeću cijenu ponude:

Redni broj	Naziv/ime ponuđača	Ponuđena cijena bez PDV-a	PDV (17%)	Ponuđena cijena sa PDV-om
1.	Javno komunalno preduzeće "Trnovo" d.o.o. Trnovo	99.893,75 KM	16.981,94 KM	116.875,69 KM

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije.

S obzirom da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama i članom 4. stav (2) Pravilnika o uslovima i načinu korištenja e-Aukcije ("Službeni glasnik BiH" broj 80/23).

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14, 59/22 i 50/24).

Obradila:


Neira Hasanspahić

DOSTAVLJENO:

- 1 x Ponuđaču koji je učestvovao u postupku Javne nabavke
- 1 x Direktor JP "Komunalno" d.o.o. Breza
- 1 x PJ "Čistoća"
- 1 x PJ "Održavanje i nabavka"
- 1 x Direkcija
- 1 x Web stranica preduzeća
- 1 x a/a

Direktor:


ma. Ermin Likić dipl.ing.maš.



